

# JAKIM akui wujud kelemahan SOP sijil halal

## Agensi sedia perkemas prosedur pastikan ketirisan tak berulang

Oleh Suzalina Halid  
suzalina@bh.com.my

**Kuala Lumpur:** Jabatan Kemajuan Islam Malaysia (JAKIM) mengakui wujud kelemahan prosedur operasi standard (SOP) dalam pembangunan pensijilan halal, sekali gus berisiko menyebabkan bekalan daging sejuk beku yang dibawa masuk ke negara ini diragui status halalanya.

Pengarah Kanan Bahagian Penyelidikan JAKIM, Datuk Dr Sirajuddin Suhaimie, berkata dalam membangunkan SOP pensijilan halal, JAKIM tidak bergerak sendiri, sebaliknya turut membatik beberapa agensi lain seperti Jabatan Standard Malaysia.

“Kalau nak kata tidak (ada kelemahan), ia mustahil sebab kita sebagai manusia mesti ada kesilapan berlaku. SOP (pensijilan halal) itu sudah ada sejak sekian lama, (tetapi) berlaku ketirisan di beberapa aspek.

“JAKIM bersedia memperkemas dan menguatkan SOP itu dalam memastikan isu bekalan daging import yang diragui status halalanya tidak berlaku lagi pada masa depan,” katanya melalui

segmen ‘Tanya JAKIM’ bertajuk ‘SOP Halal: Di mana silapnya’ yang disiarkan di laman Facebook agensi itu, semalam.

Mengulas lanjut proses pensijilan halal, beliau mengulangi bahawa JAKIM bukan satu-satunya agensi yang menguruskan proses berkenaan dan pengimportan daging halal ke negara ini hingga sampai ke tangan pengguna, sebaliknya ada 344 agensi terbabit dalam keseluruhan rantaian.

Difahamkan, agensi terbabit selain JAKIM, terletak di bawah pelbagai kementerian, antaranya Kementerian Pertanian dan Industri Asas Tani, Kementerian Perdagangan Antarabangsa dan Industri, Kementerian Kesihatan (KKM) serta Kementerian Perumahan dan Kerajaan Tempatan termasuk pihak berkuasa tempatan (PBT).

Sirajuddin menjelaskan, proses membawa masuk bekalan daging import ke negara ini adalah panjang termasuk prosedur kunjungan ke loji penyembelihan di luar negara yang turut disertai Jabatan Perkhidmatan Veterinar (DVS) dan KKM.

Katanya, peranan JAKIM adalah memeriksa rumah penyem-

**Situasi ini turut berlaku di negara lain, contohnya di Singapura sehingga menyebabkan Indonesia tidak mempercayai bekalan daging (halal) dari negara itu. Bekalan dibawa ke gudang dan ditukar bungkusannya dan dilabelkan halal. Jadi tidak mustahil ia berlaku di negara ini.**

**Sirajuddin Suhaimie,**  
Pengarah Kanan  
Bahagian Penyelidikan JAKIM

belihan di luar negara, sama ada proses penyembelihan sehingga daging dibungkus dan dimasukkan ke dalam kotak dalam keadaan bebas cemar, mematuhi hukum syarak.

Beliau berkata, permit mengimport daging pula dikeluarkan Jabatan Perkhidmatan Kuarantin dan Pemeriksaan Malaysia (MAQIS) dan apabila produk sampai di pintu masuk negara, Jabatan Kastam Diraja Malaysia (JKDM) pula melihat dari segi cukai.

Selepas produk berada di gudang dalam negara, katanya, ia tertakluk di bawah Akta Perihal Dagangan 2011 di bawah Kementerian Perdagangan Dalam Negeri dan Hal Ehwal Pengguna (KPD-NHEP).

Mengulas lanjut sama dakwaan penyeludupan masuk daging import tidak halal berlaku, Sirajuddin tidak menolak kemungkinan daging import tidak halal yang dibawa masuk kemudian diletakkan logo halal palsu sebelum diagihkan ke pasaran tempatan.

Katanya, kegiatan itu tidak mustahil disebabkan kelemahan dan ketirisan beberapa aspek yang perlu ditambahbaik termasuk di peringkat proses pensijilan halal sendiri.

“Situasi ini turut berlaku di negara lain, contohnya di Singapura sehingga menyebabkan Indonesia

tidak mempercayai bekalan daging (halal) dari negara itu. Bekalan dibawa ke gudang dan ditukar bungkusannya dan dilabelkan halal. Jadi tidak mustahil ia berlaku di negara ini,” katanya.

Sementara itu, Sirajuddin berkata, pihaknya sedar banyak pihak mempersoalkan jabatan itu apabila tidak mengeluarkan sebarang kenyataan berhubung isu penyeludupan daging import yang diragui status halalanya, termasuk senarai nama syarikat atau jenama yang terbabit.

Katanya, siasatan kes itu adalah di luar bidang kuasa dan tanggungjawab JAKIM, sebaliknya diuruskan pihak mempunyai kuasa seperti KPDNHEP yang sedang menjalankan siasatan dan akan mendedahkan hasilnya apabila proses itu selesai.

“Biarlah siasatan dijalankan dengan cara terbaik tanpa gangguan. Berikan ruang agensi yang berkaitan untuk menyiasat. Maklum balas (JAKIM) akan menimbulkan suasana tidak baik, kalau keluaran kenyataan akan menjejaskan siasatan,” katanya.

Mengenai syarikat yang membentuk kartel memonopoli perniagaan itu dan mengimport daging sejuk beku diragui kualiti serta status halal sejak 40 tahun lalu, beliau menegaskan, sesuatu perniagaan dikuasai kartel bukan

‘dosa besar’ kerana mereka hanya menguasai pasaran.

Namun, katanya, JAKIM tidak boleh mengesahkan atau menafikan kegiatan itu sudah berlautan sejak 40 tahun lalu kerana ia mungkin dakwaan penggiat industri yang perlu disertakan dengan bukti terlebih dahulu.

Sebelum ini, *BH* melaporkan sumber rapat dengan siasatan kes itu, mendakwa kartel yang membawa masuk daging sejuk beku dari negara sumber tidak sah, termasuk yang diragui status halal dan kualitinya, dipercayai ‘membeli’ beberapa kakitangan kerajaan, termasuk pegawai kanan agensi tertentu bagi melepasi pemeriksaan di pintu masuk negara.

Wang ringgit dan habuan berlibur dikatakan diguna bagi merasuah pegawai terbabit sebagai dorongan ‘melepaskan’ barangan yang diimport tanpa mengikut peraturan ke pasaran negara ini dan menyebabkan kartel berkenaan kebal sehingga mampu beroperasi sejak lebih 40 tahun lalu.

Rampasan 30 tan daging sejuk beku yang dipercayai dibungkus semula dan kemudian menggunakan tanda halal palsu di Johor pada awal bulan ini, didakwa sebahagian bukti kegiatan kartel yang disyaki dibantu beberapa penjawat awam yang menyalahguna kuasa.

